

– Միայն մի գիւղ չէ, պարոն բժշկապետ, – խօսեց Նա դարձեալ զայրացած եղանակով, – մեր ամբողջ ծովեզերքի բնակիչները Նոյն հոգին եւ Նոյն սիրտն ունեն: Ի հարկէ, մենք այժմ այն չենք անում, ինչ որ առաջ անում էինք. մենք այժմ իզուր տեղը ոչ ոքին վնաս չենք տալիս: Եթէ առաջ շատ անգամ բուլորովին անմեղ մարդկանց բռնում եւ մորթում էինք, այդ Նրա համար էր, որ մեր թշնամիներին ցոյց տանք, թէ տեսէ՛ք, եթէ դուք չարութիւն կանէք, մենք էլ ընդունակ ենք Նոյնն անելու, լաւն այն է, որ ո՛չ դուք անէք եւ ո՛չ մենք, այլ ապրենք միասին, որպէս բարի դրացիներ: Եւ այդպէս էլ եղաւ. մեր ցոյցերից յետոյ քրդերը բարեկամացան մեզ հետ, որովհետեւ Նրանք գիտեն յարգել քաջութիւնը: Այժմ շատ դէպքերում, երբ Նրանք կռիւ ունեն միմեանց հետ, մեր օգնութեանն են դիմում:

– Իսկ եթէ ձե՛զ հարկաւոր լինի Նրանց օգնութիւնը:

– Չեն խնայի:

Ես մտաբերեցի Թոխմախ-Արթինի առածը. «թուրքին ծեծի՛ր, հետը բարեկամացի՛ր»:

Ասլանը հարցրեց.

– Ինձ շատ զարմացնում է այն, թէ ի՞նչ հրաշքով կատարոցաւ ձեր կեանքում այդ մեծ փոփոխութիւնը, որ դուք ձեր վաղեմի ստրկութիւնից (որը այլ բառերով սովորել էիք հնազանդութիւն եւ համբերութիւն կոչել) յանկարծ դուրս եկաք եւ սկսեցիք անձնապաշտպանութեան դիմել: Ո՞վ մտցրեց ձեր մեջ այդ միտքը եւ այդ հոգին: Ո՞վ սովորեցրեց ձեզ ընտրել զենքը որպէս գլխաւոր միջոց եւ գրաւական՝ թէ՛ թշնամու եւ թէ՛ բարեկամի հետ խաղաղութիւն պահպանելու:

– Մենք այդ բոլոր փոփոխութիւններով պարտական ենք մեր սիրելի վարժապետին, – պատասխանեց ռեսը: – Նա բաց արեց թէ՛ մեր աչքերը եւ թէ՛ մեր կապոած, կաշկանդոած ձեռքերը: Նա մտցրեց մեր մեջ անձնապաշտպանութեան ոգին, սովորեցրեց բարեկամի հետ բարեկամ լինել, թշնամու հետ թշնամի, եթէ չհաճի բարեկամանալ: Նա մեզ հետ քաջութեամբ մասնակցում էր այն բոլոր գործերում, որ կատարոցան վերջին տարիներում: Բայց որքա՛ն գործեր կատարոցան այդ ժամանակներում... Որքա՛ն զոհեր տոռեցինք մենք, մինչեւ կարողացանք փոքր ի շատե ապահովել մեր դրութիւնը... Աղէտալի՛, շատ աղէտալի՛ էին այդ ժամանակները... մենք միշտ արիւնտո ձեռքով էինք ուտում մեր հացը, եթէ մի րոպէ միջոց էինք գտնում ուտելու...